

Inatsisartut suleriaasiat § 37 malillugu, immikkoortoq 1 naapertorlugu matumuuna Naalackersuisunut apeqquq imaattoq saqqummiuppara:

**Naalackersuisunut apeqquqit:**

- 1. Naalackersuisut allaffissuarmi pisortallu piginneqatigiiffinni pigisaanni suliakkiinnermi il. il. atorfeqarnermi qanoq politikkeqarpat?**
- 2. Naammassisaqarluarnermik (produktivitet – value for money) misissuisoqarnikuua?**

(Inatsisartunut Ilaasortaq Per Rosing-Petersen, Partii Naleraq)

**Tunngavilersuut:**

Una qulequtaq ukiorpassuarni qaqinneqartuarpoq, pissutsilli ilorraap tungaanut ingerlangaarpasinnatik. Qineqqusaarnerni Naalackersuisuliornermilu atsiogatigiinnerni qaqinneqartuarpoq (aamma kingullermi) nunatsinniilli qimarngusut ikiliartoratik, ilinniagaqarsimallutillu naammassinikut affaasa missaannaat naammassigaangamik utertarlutik (assersuutigalugu nuna sanilerput Islandi 90% ukiorpassuarni sinneqqajuaannarpaa), utertorpassuillu maaniittullumi takornartatut misigitinneqartuarlutik. Qaavatigullu suliliffissaaleqineq qaffasippallaarluni.

Illuatungaani naassaanngiusartumik ukiorpassuarni tikisitsiortorpugut, tikisitallu agguaqatigiisillugu maaniittarnerat sivikilliartuinnarluni (qanittukkuq isumasioqatigiinnermi peqataagatta eqqartorneqarmat uppersisippara ukioq kingullerli tusartuagara, tassalu maaniittartut agguaqatigiisillugu qaammatit 13-t missaannaani maaniittartut) Takorlooraannilu taanna tikisitaq Ilisimatusarfimmi naammasserlaaq maaniinngisaannarnikoq tikikkaangami inuiaqatigiit nutaarluinnaat, kultur-i allarlunnaq nunalu allarlunnaq sungiunniappaartarpaa taamaattumillu tunniussinnaasai killilerujussuusaluni. Tassuuna ilisimasat, qaammaasat misilittakkallu maani annertusiarortitassaraluagut akuersarneqarsinnaanngilluinnartumik qatangiinnartinneqartuarput. Pissutsit tamakku akuersarneqarsinnaanngillat tigussaasumillu iluarsivigineqartariaqarlutik.

Allaangilaq maani nunatsinni ilisimalikkanik, qaammaasanik misilittakkanillu annertuisartoqusaasoqanngitsoq. Naleqartitat suut toqqammaviginarneqarpat?

Ajornartorsiut annertuupilussuarmik inuiaqatigiinnut ingerlatsiniarnermi eqquimmat apequtit Partii Naleqqamiit Naalakkersuisunut saqqummiuppagut.

Ullut suliffiit qulit qaangiutinnginnerani akineqarnissara kissaatigaara.